



Kerjaya ke Mercu Impian

Pemahaman Petikan (Kertas 1)

Bahagian A

Baca petikan drama di bawah dengan teliti dan jawab soalan-soalan yang berikutnya.

- PENDAKWA RAYA : Baiklah, yang arif.
Bahawasanya kamu, Akikino-komokotoko, pada 20 Mac 1988, telah dituduh mencuri seekor beruk subsidi milik kerajaan Malaysia dari stor JKK Ulu Dungun.
- HAKIM : Ya ... Akikino-komokotoko, adakah kamu faham akan tuduhan yang dikenakan atas kamu?
- TERTUDUH II : Akakuku taka fakahaka iskitikilaka bekeroko sukusikidiki.
- PENTERJEMAH : Yang arif, Adapun empunya diri yang bernama Akikino-komokotoko, atau ringkasnya Akinomoto ini tidak faham akan istilah beruk subsidi.
- HAKIM : Pendakwa raya, harap *perincian istilah* beruk subsidi yang tidak difahami oleh Akinomoto.
- PENDAKWA RAYA : Ya, yang arif ... mohon tempoh 2 minit untuk merujuk kamus.

(Dipetik daripada drama "Mahkamah", antologi *Baik Budi, Indah Bahasa*, Tingkatan 2, Kementerian Pendidikan Malaysia)

- Berdasarkan petikan, rangkai kata *perincian istilah* membawa maksud
 - merujuk perkataan.
 - menunjukkan perkataan.
 - membuktikan perkataan.
 - menghuraikan perkataan.
- Apakah tuduhan yang dikenakan ke atas Akinomoto?
 - Mencuri di stor JKKK Ulu Dungun
 - Mengambil seekor beruk di dalam stor
 - Mengambil seekor beruk di Ulu Dungun
 - Mencuri seekor beruk subsidi kerajaan
- Berdasarkan petikan drama, apakah latar tempat yang digunakan?
 - Sekolah
 - Jalan raya
 - Stor JKK Ulu Dungun
 - Ruang perbicaraan mahkamah
- Apakah tema yang diketengahkan oleh penulis bagi drama di atas?
 - Kehidupan golongan intelektual
 - Ketidakadilan sistem kehakiman
 - Penindasan golongan yang miskin
 - Keadilan dan kebenaran dalam membuat keputusan
- Yang berikut merupakan kepentingan perbicaraan mahkamah yang adil dan saksama, **kecuali**
 - memastikan tiada pihak yang teraniaya.
 - membawa pesalah ke muka pengadilan.
 - memelihara keamanan dan ketenteraman sosial.
 - memberi peluang kedua kepada mereka yang berbuat salah.